

# مکرمه بنار ایتلی

❁ ادبی و سیاسی رسالهٔ اسبوعیه در ❁

۳۰ یئیی سنه



۱۰ رجب الفرد ۱۳۲۹

❁ پنجشنبه ❁

جزء عدد : ۱۰۳

## قاربوناری - قاربوناریم

یکن اون طقوزنجی عصر میلادینک اکمهم مسالک انقلابیه سندن بری ده  
بی شبه (قاربوناریم) دیرکه ساحه و قوعانده جلوه کر اولان افعال مخصوصه سنک  
شاهدی یدش عبرتمزده کی ایتالیا دولت متشکله سیدر . بناءً علیه بوجمیت ایله مسالک  
وسالکافی حقیقه اصحاب مطالعه بی خبردار ایتک فائده دن خالی دکدر .

قاربوناریم بوجمیت خفیه درکه خد غایه تکامل و انتشارینی (رهستوارسیون  
دینلان اعاده حکمرداری ایله) لونی فیلیم عهد حکومتده اکتساب ایلشدر .  
بوجمیتک صورت وحدونی بر جوق مباحثات و مناظراته میدان ویرمش اولغله  
برابر، ینه اصل و منشائی صورت صحیحه و قطعیده تعین ایده مامشدر .

بعض مورخلر قاربونارینک مبدائی فرانسه قرالی برنجی فرانسو آ زماننده  
بولورلر ؛ و برطاقی ده دها قدیم اولدیغنی ادعا ایدرلر . ایشته بوقیلدن (به نوآ مالون)

نامنده بر ذات ده (سوسیالیزم تاریخی) عنوانی اثر نده (ساربروک) Sarrebruck لی  
(تثوده بالد) اسمنده بر راهبک منحصرأ کومورجی و اوطونجیلردن مرکب اولقی  
اوزره بر جمعیت خفیه تأسیس ایلدیکنی نقل ایدر .

بوجعیتک هدف و مقصدی : « امور و مصالح حکومتک آرزو و آرای  
عمومیه به توفیقاً اداره و تمشقی » خصوصنی استحصالدن عبارت اوله رق ، بوصورتله  
راهب تثوبالد « مساوات کامله اوزرینه مؤسس حکومت عوام » تسمیه ایلدیکنی  
اداره بی احداث ایلک ایستمشدر .

جمعیت Vente ( وانت ) اطلاق اولنسان بر چوق فرقه لره منقسم ایدی .  
« امید و ایمان » کلهری جمعیتک شعار حرکتی اتخاذ اولنمشدی . دائماً تبدیل اولنسان  
( پارولا ) لری اولدینی کبی ، افرادک یکندیگری طانی به ییلسی ایچونده ارباب جمعیه  
مخصوص بر طاقم ( اشارت ) لری وار ایدی .

بردیگر روایت کورده (قاربوناریزم) ک محل نشأت و تأسس ایتالیا طور اخی در .  
جمعیتک ، (کومورجی) معناسنه اولان بواسم ایله تسمیه سنه ایسه مملکتدن طرد  
و اخراج ایدیلان ( غلف ) لرك تعقیباتدن تخلص کریسان ایچون اورمانلرده  
اوطونجی و کومورجی ( قولوبه ) لرنده تحفظ و اجتماعلری سبب اولمشدر .

بوجعیتک سبب وزمان ظهوری نه اولورسه اولسون ، تاریخ سیاسیات طلمده  
بر موقع اهمیت احراز ایتیمی اون سکزنجی عصرک اواخر ایله اون طقوزنجی عصرک  
اواثلنده ساحه وقوعه کتوردیکی افعالدن طولاییدر . چونکه قاربوناریزم ، اساس  
اعتبار ایله سیاسی بر مقصده خادم اولمغله جمعیه انتساب ایدنلرمظالم و تعدیاتک اشکال  
و صور مختلفه سنی رفع و ازاله ایله تابع اولدقلری مملکتی اداره عوام آلتنده  
بولندیرمق ، یعنی نائل آزادی ایتیمک املنی بسرلر ایدی .

بونایارتک انشته سی اولان جنرال (مورا) ناپولی قبالی ایکن قاربوناریزمک خادم  
انسانیت بر جمعیت اولدیغنه یقین حاصل ایتمش و بناءً علیه توسع و ترقیسنه چالشمش  
ایدی . چونکه مورا ، قرال نصب اولنمش اولدیرنی حلاله اهالی به حکمدارلقدن  
زیاده خدمتگذارلق منزله سنده بولنلق طرفدار ایدی .

هر نصلسه قاربوناریلر بو مساعده بی سوء استعمال ایدرک افراطکارانه بعض افعاله بولندیلر . بوجهتله ( مورا ) بونلر حقنده کوستردیکی معامله مساعده کارانه یه نادم اولدیغندن قاربوناریلری ، الیرنده کی سلاحری آله رق مملکتندن طرده مجبور اولمشدر .

قاربوناریلر ناپولیدن چقدقدن صکره رئیسری اولان اولان ( قابو - بیانقو ) Capo - Bianco نك تحت سوق واداره سنده اوله رق ( قالاہرا ) حوالیسنه اتجا ایلدیلر . بو تاریخلرده جمعیتک منسوبینی آنجق ایکی اوج بیک راده سنده ایدی . حال بوکه پك از زمان صکره عموم ایٹالیایه یایلقله برابر ، فرانسینی استیلا ، اسپانیایه نفوذ ، و ( رین ) نهرینک ده ماوراسنه مرور ایدرک اورواده حازمطلقیت اولان حکمدارانہ تاج و تخت حکومتلرنجه مستلزم اندراس اوله جق برخوف وهراس القا ایتمشلردی .

قاربوناریزم ایله فرماصونانی اکثریتله یکدیگرینه قارشدرلر . حقیقت حالده ایسه بونلر بر دکلدرد . بلکه قاربوناریزم فرماصونانی نمونه اتخاذ ایدرک تشکل ایتمش بر جمعیتدرکه فرماصونلقده اولدینی کی اصول و آداب مخصوصه سی و کندینه خاص لهجه واصطلاحاتی و صرف کومور اعمال وتجارتندن مقتبس برطاقم تعبیرات خصوصیه سی واردرد .

مثلا محل اجتماعه فرانسزجه کلبه معناسنه Hutte ایٹالیانجهده Baracca . و اجتماعک منعقد اولدینی مملکته اورمان معناسنه Forêt . اصل اجتماعه دخی ( وانت Vente ) و ایٹالیانجه ( واندہتا Vendetta ) ناملرینی ویرلر .

برقاج گلبه دن متشکل هیئته جمهوریت Republique اطلاق ایدرلر . و « اورمانی قوردلرک وجودندن تطهیر ایتمک » جمله سنی ، مملکتی ظالم وغدارلرک ایدی تسلطندن تخلیص ایتمک معناسنده استعمال ایلرلر .

ایشته بوندن طولاییدرکه قاربوناریلر طولایانق لازم کلدکجه : « قوردک پنجه غدیرینه دوشن قوزینک استخلاص وانتقامی » سوزینی بر آورده لسان ایدرلر . جمعیت منسوبینی میسانده ویرمش اولدینی پماندن نکول ایله فضیحه اهاتی

مرتکب اولان ناکساره قارشی حکم نظاملری غایب شدیددر . حتی بر فکر و مقصده مبنی اولمق سزین افشا آنده بولنانلره ، یعنی بوش بوغازلره بیله مجازات شدیدہ اجرا اولنور .

جمیته هر داخل اولان ، قاربوناریزمک موجودیتی ، اشارات مخصوصه سنی ، نظامات و اصولی ، ( پارولا ) لرینی سراوله رق محافظه ایده جکنی ، اڭ باشده کی فرقه نک ، یعنی مرکزک اعطا ایله جکی اوامره گور کورینه و بلا قید و شرط و ملاحظه اطاعت ایله جکنی ( قسم بالله ) ایله تعهد ایدر . چونکه عهده سنه بر خدمت ایفاسی ترتیب ایدن شخص ، مقصد اصلی ایله سلامت عامه بی استحصاله و ساطت ایتدیکه مغایر حق وعدل بر ایشده بولنمش اولمقدن مبرادر . بوندن ماعدا وطن و حریت اغورنده بتون ماملکنی ، حتی حیاتی و لازم کلیرسه اولاد و عیالی بیله فدا ایده جکنه یمین ایتدیرلر .

برده لدی الحاحه غدر و اعتسافه قارشی سلاح بدست مدافعه اولمق و ( قردش ) ویا « ابی صموحه زاده » نامی ویریلان رفقای جمیتک امتدینه یتیشه یتلک ایچون هر ( قاربونارو ) ۱) نک ، مصارفی کندینه عائد اولمق اوزره بر بکلک تفنک ایله بر خیلی فشنک تدارک ایلسی مشروطدر .

یمیننده حانت اولانلره اعدام ایله مجازات اولنور ایدی . هر بر ( قردش ) کڭ احراز ایتدیکی صنوف مختلفه : اولان چراقلق ، ثانیاً اوستهلق ثالثاً منتهی لکدر .



قاربوناریزم ایتالیاده فوق العاده برسرعتله توسع ایتمش ودها ۱۸۲۰ سنه سننده ناپولیده بر حرکت اختلالیه تشبث ایلشدرکه نتیجه سننده ، ناپولی قرالی عموم اهالینک آرزو و طلبنه تبعاً مشروطیت ادارهیه رعایت ایده جکنه یمین ایتمکه مجبور اولمشدر . مع مافیه قرال فردیناند ، اساساً یمینیده طور مامق فکر و قرارنده اولدیقدن ، اوصرمده انعقاد ایدن لایباح Laybach قونفره سندن بالاستفاده بتون تعهداتی کانلم یکن حکمنده طوتمشدی .

۱) معلوم اولدیگی اوزره ( قاربوناری ) لفظی ایتالیانجه ده جمعدر . مفردی ( قاربونارو ) کلیر .

قاربوناریلر ، آوستریا عساکرینک مداخله‌سی ایله ناپولیده خیلی ضایعات ویردکلری کبی ( بیه‌مونه ) ده دخی بر موفقیت استحصال ایده‌مدیلر .

ایشته بوصورتله ایستالیا وطنپورانی ارتجاعیونک مددکاری اولان آوستریالیلرک مساعی مشترک‌سی یوزندن زیون و مغلوب اولدیلر . بووقعه‌دن صکره قاربوناریلر ایستالیده بر مدت دوچار توقف اولمشدی . فقط دیگر طرفدن فرانسه‌ده قاربوناریزم فکر و مسلکی بر سرعت خارق‌العاده‌ایله انتشار ایتکده ایدی .

۱۸۲۰ سنه‌سی تموزنده [ دوزیهف ] ایله [ ژور ] نامنده فرماصون جمعیتنه منسوب ایکی دلی قانلی فرانسز ، ناپولی به کیدرک یکی تأسس ایدن حکومت مشروطیه عرض خدمت ایتمش و ژور ، آوستریالیلره قارشی حربه اشتراک ایچون ناپولیده قالدینی حالد رفیق دوزیهف ، قاربوناریزمک کافه سرارینه اطلاع‌ایله پارسه عودت ایلش و مکتب طبیه طلبه‌سندن [ بازار ] نامنده برینک خانه‌سنده رفقا‌سندن بر قاچ کنجی جمع ایلهرک فرانسه‌ده ایلک دفعه اولمق اوزره بویله بر جمعیت خفیّه تشکیل و تأسیسه موفق اولمش ایدی .

فرانسه انقلاباتی تاریخی یازان متوفی [ لونی بلان ] دیرکه : « بوجمیتک مقصد اصلیمی معین و مقرر دکلدی . یالکز بوخصوص ایچون ترتیب ایتدکلری نظامنامه‌ده مواد آتیّه مندرج ایدی :

« قوت حق اولدیغنه و بوربون خاندانی فرانسه تحتّه اجانب قوتیهله اقعاد ایدلدیکی جهتلّه [ شاربونی‌یه ] لر فرانسز قومنه دبیلدکلری طرز و شکل حکومتی تعیین خصوصنده حازر اولدینی حق کمال سربستی‌ایله استعمال صلاحیتی بخش ایتک ایچون اتحاد ایدرلر .

[ ژان ویت ] نامنده کی بر قاربونارو ، ایسه فرانسه‌ده ( قاربوناریزم ) ک صورت ظهوری حقنده آتیده کی معلوماتی اعطا ایتکده در :

« ۱۸۲۱ موسم صیفنده اون بر قاربوناری ، رئیس قاپو ایله برلشه‌رک ایچلرندن ایکی کشی بی ( غران اوریان ) رئیس‌لریله بلذاکره قاربوناریلر هیئت اداره‌سینک مقرنی دکشدیرمک موافق اولوب اولیه‌جغنی آکلامق ایچون فرانسه‌یه

اعزامه قرار ویررلر . چونکه قاربوناری رئیسلی ، هیئت اداره نك پارسه نقلی مناسب کورمکده ایدیلر . زیرا پارس ، اوروپانك کافه بلاديله هرپای تختدن زیاده مناسباتده بولنقده اولدیفندن ، جمعیتك اڭ نفوذلی وَاڭ فعال ، باخصوص اڭ زیاده حائز اعتبار و ثروت اعضاسی پارسده اقامت ایتمکده ایدی . ایشته بوضورتله اوتاریخلرده فرانسهدهکی بتون خنی جمعیتلرک هیئت اداره سی اولان مذکور ( غران اوریان ) ایله قاربوناری جمعیتك مزج و توحیدی تحت قراره آلتمشدر .

قاربوناری جمعیتی فرانسهده ترجمه سی اولان ( شاربونسیری ) عنوانی آلهرق اصول و نظاماتی تماميله قبول اولمش و یالکزر فرانسز عادات و افکارینه توفیقاً بعض تعدیلات اجرا قلمشدر .

بوجعیت فرانسهده ۴ هیئته یعنی Vente واته منقسم ایدی :

برنجیسی : ( وانت پارتی کولیئر ) هیئت خصوصیه

ایکنجیسی : ( وانت سانتال ) هیئت مرکزیه

اوجنجیسی : ( هوت وانت ) مافوق هیئتی

دردنجیسی : ( وانت سوپدریئور ) هیئت عالیه .

عنوانی حائز ایدی .

اعضا قید و قبولی ایستیلادهکی گبی برطاقم مراسم مهیمیه تابع طوطلقسزین ساده

برپولده اجرا اولئوردی .

هیئات اربعه آره سنده امر مخبرات و مناسبات مأمورین ضابطه یی سهولته

اغفال ایده جک برطرزده تنظیم قلمشدی . هر هیئت خصوصیه ۲۰ اعضادن متشکل

اولهرق ایچلرندن برینی مرخص تعیین ایدرلردی . (۱)

هیئت مرکزیه بوضورتله هیئت خصوصیه دن تعیین ایدلمش ۲۰ مرخصدن

تشکیل ایدر . و بوده مافوق هیئتی ایله مناسباتده بولمق اوزره بر مبعوث انتخاب

(۱) یکی عثمانلیلر تاریخنده دخی تفصیل و ایضاح اولدیفنی اوزره ، یکی عثمانلیلر جمعیتی قاربوناری

اساسی اوزرینه تشکیل قلمش و فقط ۲۰ مرخصه بدل ۷ رفیقدن متشکل بولمش و هریدنجی به

بر ( رئیس ) مرخص صفتی ویرلمشدی .

وتعین ایلردی . مافوق هیئتک دخی ، هیئت عالیسه ایله اختلاطده بولنق اوزره برمرخصی بولنوردی .

تشکیلاتک بو طرزده اولسنندن طولانی هیئات مختلفه اعضاسی یکدیگرینی طانیاز ویالکیز مرخصلر طانیردی ۱) ذاتاً هر بر قاربونارویه دیگر هیئتلرک رفقاسنی طانیق ممنوع ایدی . بوایسسه بر حادنه ظهوری ، یعنی ضابطه جه برشی سزیدلیکی تقدیرده مختلف فرقلر آره سسنده کی رابطه نک در حال انقطاعی مقصدیله ایدی . چونکه نه سایه الهابه یکرمی کشی اله کچه بیلیردی . جمعیتک کافه امور و معاملاتنی مبعوثلر ، مرخصلر واسطه سیله اجرا اولنور و یکیدن داخل اولانلر جمعیتک موجودیتی و افعال و حرکاتی حقنده قطعاً محافظه سر ایده جکلرینه تعهد ایدیریلور ایدی .

یکی کیرنلرک بر تفنک ایله ۲۰ عدد فشنگ تدارک ایتسی مجبوری ایدی . جمعیه کیرلیدیکی وقت بردفعیه مخصوص اولق اوزره بش فرانق ویریلور ؛ بعده هر آی بر فرانق تادیه اولنوردی .

اهالی ، یعنی افراد مملکتدن متشکل اولان بوجمعیتن ماعدا اردوده دخی آریجه بر ( شاربونهری ) جمعیتی تشکیلاتمشیدی ۲) بونک ده درجات مختلفه ده اقسامی اوله رق هر بدرجه نک عنوانی آیری ایدی . سکون و آسایش زمانلرنده عنصر عسکری ، عادتاً اورتدن قالقار ، وجودی حس اولنماز بر حال آلیرویاخود سیویلر ایله احبابانه بر صورتده بولنوردی .

بر اغتشاش ظهورنده و یا بر حرکت قیامیه حس اولدینی زمان بالعکس اصل اهمیت و فعالیت عسکری طاقنه انتقال ایدر و بوصورتله بوصنف بیوک بر موقع احراز ایلردی .

بوجیتک ده فرماصون جماعتده اولدینی کی برر اسملر بولنوردی ؛ مثلاً ، پارسده الکی زیاده مرغوب اولانلری : ( واشینقتون ) ( هیئت مظفره ) ( طرفداران حقیقت ) ( وهسته بان ) کی عنوانلری حاضر ایدیلر .

۱) یکی عثمانیلرده ده تمایله بویله ایدی .

۲) نه کیم اتحاد و ترقی جمعیتک اردوده منسوبیتی واردی .

فرانسه ده فرقہ سربستینک : [ لافایت ] [ درقورسل ] [ زاق کوخلن ]  
 ( آرتولدشہ ) [ قوشو آلونہ ] گبی سرافرازانک همت و معاوتی سایہ سنده بوجہیت  
 بک چاپوق توسع و انتشار ایتمشیدی . حتی لافایت رئیس بیله انتخاب اولنمشیدی .  
 و حتی اوج آی ظرفندہ بارسده الی هیت تشکل ایتمشیدی .

جمعیته اگ کنج منسوبینی ، فرانسه نك نقاط مختلفه سنده قاربوناریزمك نشر  
 و تعمینی درعهده ایتدکلرندن ، جمعیته آز زمان ظرفندہ تکمیل فرانسه ده ایکی بیك  
 هیته ، یعنی ۴۰ بیك اعضایه مالک اولدی . مقداری بومرته بی بولنجه فعالیت  
 دورینك حلول ایتدیکنه حکم اولندیغندن ، جمعیته او قدر مکمل ایش کوردی که  
 بر مورخك قولنجه ، اودوره طئد کافه وقایع رسمیه ، صورتا بوربون خاندانك  
 افعال تاریخیه سندن عد اولندیغنی حالده ، حقیقتده اصل فرانسه تاریخنی بوجعیات  
 خفیه نك افعال و اجرا آتی تشکیل ایدر .



قاربوناریلرک تعقیب ایلدکلری مسلک سیاسی حقندہ بر وثیقہ اولمق اوزره  
 ۱۸۲۲ سنه سنده ( پو ) Pau شهرندہ دیوارلره یاشدیرلمش اولان بیاننامہ آتی بی  
 ذکره شایسته کوریرز :

» فرانسزلرک دستور حرکاتی فرانسز قومی طرفندن مشروطیت اداره نك  
 » قبول و تمثیلدر . نجه آمال ایسه شان و سطوت و طنذر .

» برملتک شرطنامہ اداره سی خلق ایله حکمدار بیننده منعقد بر مقاوله در .

» بومقاوله رضای طرفین ایله عقد اولور . یوقسه برطرفک دیگر طرفه لطف

» و احسانی دگلدر . ایشته بو حاکمیت ملیه قاعده اساسیه سندن تشکیلات اجتماعیه

» و اداره دولتک کافه قوای اجراییه و تنفیذیه سنك مصدر و منبعی ملت بولندیغنی

» نتیجه سی ظاهر اولور . بوضورتله ملت ، کندی تصویب و قبول ایتدیکی شرطنامیه

» [ قانون اساسی به ] توفیقاً قوای مذکورہ بی اقسام و صنوف مختلفه به آیریر .

» چونکه ملت طرفندن قبول و تصدیق قلنش اولمق بجه مشروطیت اداره موجود

» عد اولنه ماز . بلکه حاکمیت ملیه غصب و ضبط ایدلمش اولور . والحاصل عموم

« فرانسزلرک دستوری : « اهالی طرفندن قبول ایدیلان مشروطیت ملیه » و یا  
 « شان و شرف وطن » بولدیغنی بردها تکرار ایله ختم مقال ایدرز . یشاسون  
 « فرانسز ملتی ! »

بویاننامه ده جمهوریتدن قطعاً بحث ایدلماش اولدیغنی جالب نظر دقتدر .  
 چونکه حقیقت حالده جمعیت نه قدر مکمل تشکل ایتمش اولسه ده ینه صورت  
 قطعیه ده تعین ایتمش بر هدف مقصد یوق ایدی . یالکیز بر قاچ شعبه اعضاسینک  
 آمال و منویاتی ( ده موقراسی ) اصولینک استحصالنه معطوف ایدی . اکثریتک  
 مساعیسی ایسه ، ملتی حقوق مغصوبه سنه تکرار صاحب ایدرک بر مجلس تنظیمات  
 وجوده کتیرمکه مصروف ایدی .

۱۸۲۱ ده بلفورده تجربه بر حرکت قیامیه تشبث ایدلدی . فقط بوتشبت  
 لافایتک عطالتی و خصوصاً بیقرارلنی سیئه سیله نتیجه سز قالدی . ( لاروشل ) لی  
 ( ۴ باش چاوش ) ک اتفاق بر فاجعه ایله نهایت بولدی . کذا جنرال ( پرتوی ) ده  
 ( سونور ) بر موفقیت استحصال ایدمه دی .

( بلفور ) ده تحت توقیفده بولنه رق ( قولمار ) محکمه سی طرفندن محاکمه لری اجرا  
 اولنانلرک اخلاقی سبیلری یولنده واقع اولان تشبثات دخی عقیم قالدی .  
 لونی بلان دیرک : « ..... بو وقوعات مختلفه دن صکره » ( شاربونسری )  
 جمعیتی یالکیز یهوده قربان ویرمکدن بشقه برشی یاپه ماز اولدی .

مع مافیه ایستایاده کی ( قارونارو ) لرده قضیه برعکس ایدی . اوراده کی جمعیتک  
 فعالیتی جدیت و هیئت ایله دوام ایدیور و پایالری بیله اندیشه یه القا ایدمک بر قوتی  
 حازر بولنیوردی .

پایالر ، قارونارولرک اولیه بر ایکی موفقیتسزلک ایله یاس و قتوره دوشه جک  
 آدمیر اولدیغنی یک اعلا ادراک ایتمشلردی . فی الحقیقه باش هیئتک ، هیئات  
 سارمیه اولان تعیننامه سنده : « عدم موفقیتلر توالی ایتدکجه نهایت ظفره دسترس  
 اولتور . » جمله جراثخاشانه سی اوقونمقده ایدی .

یدنچی ( پیوس ) پاپانک خلنی پایا اون ایکنجی لئون ، جمعیات خفیه تک الفا

و تشکیلی ایچون بر طاقم شدتلی تدبیرلره مراجعت و علیهنده بر [ Bulle ] امرنامه  
نشر ایدرک، افرادینی حکمدارانک حق حاکمیتنه و کلیسانک نفوذ آمریتنه تجاوزله  
اتهام ایتدی . بعده آتی المفاد امرنامهیی اصدار ایلدی :

« جمعیات خفیه نك تشكلی روماده و عموم پاپالی حكومتنده ممنوعدر .

« بوجهیاتدن برینه انتساب و یا بوکی جمعیتلرک تشکلی تسهیل و ترویج ایدنلر  
« وطنه اهانت جرمی ارتکاب ایتش عداولنه رق اعدام ایله مجازاة اولنه جقلردر . »

پاپا حکومتی امرنامه نشر ایتمکله برابر ینه تماماً مستریح اوله مامشدی .  
بناء علیهنده اون ایکنجی پاپا ، قاربوناریلره قارشى قاتولیکلک نشر و تعمیمی مقصدیله  
[ سان فهدیست ] عنوانی ویردیکی بر بشقه جمعیت خفیه تأسیس ایلدی . بوجهیت  
قبول اولانلرک اکثرنی سرای خلقی ، و بوکسک رتبه ده کی ره بان طاقی تشکیل  
ایتمکده ایدی .

پاپا ، جمعیتک رئیس اولی اوله رق ، جزو یتر ایسه الک ایلری کلان خادملری  
ایدی .

قاربوناریلر جمعیتی کی بونکده نظامات و احکامی ، مراتب و درجائی ،  
اشارت مخصوصه سی ، پارولالری واردی .

سان فهدیستلرک، ایتالیا استقلالانی محافظه نام و ستره سی آلتنده مقصد اصلیلری  
اولان قاتولیکلک و دره بکلک اداره سنک اعاده سی ماده سی کیزلتمکده ایدی .

جمعیتک تشکیلنی موجب اولان سبب حقیقی ، یگی انتساب ایدنلره تلقین  
اولنان طرز تخلیفدن مستبان اولمقده در . بویمین شویله ایدی :

« تعقیب ایتدیکم مسلك و مقصدك محافظه و مدافعه سی ایچون فرقه منحوسه  
« حریتپرورانه منسوب اولانلردن هیچ برینی ، نسبی ، تروتی ، مرتبه سی ، قرابتی  
« نه اولورسه اولسون محو ایتمکدن اجتناب ایتماکله ، شیر خوار اطفال ایله خمیده قد  
« رجالک گوزیاشرینه قطعاً مرحمت ایتماکله و ذکور و نساوانک مرتبه و مقامنه ،  
سن و سالنه باقیه رق منحوس حریتپرورانک قانلرینی صوگ قطره سنه قداراقیه یمین

« ایلرم ! کذا ، یکانه دین حقیقی اولان مقدس قاتولیک مذهبک دشمنلرینه ،  
 « انحلال ناپذیر خصوصیت بسلیمده دوامه دخی قسم ایدرم . »

۱۸۲۸ ده نابولیده بر حرکت عصیانیه به تشبث اولندی ایسهده درحال  
 باصدیرلدی .

هرنزه ده اهالی ، داعیه استقلال وحریت ايله علم افزاز قیام اولسه مطلقا  
 باشلرنده قاربوناریلر گورلمکده ایدی .

براز صکره قاربوناریلر ایٹالیا اشهر انقلابیونی اولان (ماجینی) طرفندن  
 تأسیس ایدیلان یگی جمعیات خفیه منسوبینی ايله اتحاد ویکدیگرینه انقلاب ایدرک  
 ایٹالیا اتحادینک دعائنی رکزه صرف غیرت وهمت ایتمکه باشلادیلر .

مشهور (قاوور) (غاریبالدی) کبی رجال سیاسی و انقلابیه بوجمعیته  
 انتساب ایتمشلردر . چونکه (ساردنیا) قرالغنی ایٹالیا تاجیله اعلا ایدن قوتک  
 محصله سی آنجق قاربوناریم در .

فرانسه به کلنجه : بوراده قاربوناریم آرتق نادر اثر موجودیت کوسستمکده  
 ایدی .

هرشیده اولدینی کبی افکار اختلالیده دخی فرانسزلر مودیه تابعدر .  
 اوچنجی نابولیون عنوانیله فرانسه ایمپراطورلغنی اعلان ایدن (لونی بوناپارت)  
 بدایت نشأتمده که سرسریانه اوقاتکذاران اولمقله برابر شاهد طالعی دردست ایتک  
 فکریله بیقرار ایدی ، بوجمعیته انتساب ایلش ؛ حتی (رومانی) و (مارش)  
 حوالیسند . پاپاتی اداره سندن تخلص گریبان ایچون وقوع بولان قیاملره اشتراک  
 ایتمش ایدی . و حتی بالآخره کندیسنی (بومبا) ايله اتلافه تصدی ایدن مشهور  
 (اورسینی) نک روایتنه باقیلیرسه ایٹالیا استقلالنی استحصال وپایالغک الغاسنی انتاج  
 ایده جک وسائلی استکمال یولنده صرف مساعی ایچون بین بیله ایتشدی .

فرانسه ده قاربوناری به برچوق مشاهیر اشتراک ایلش ایسهده نتیجه سز قالمش  
 مساعیدن بشقه برشی کورلماشدر .

ایتالیاده ایسه قاربونارینک شواهدی : ایتالیانلرک توحیدی ، ایتالیا ملکنک  
و قراللقنک تشکیلی ، پابالقن حکومت جسمانیه نک نزعی ، ونفوذ روحانینک و اتیقان  
سراینه حبس و حصری کبی خصوصات سیاسیة واجتماعیه در .  
بونلرک حصولنی کورن اوفدا کاران ملت ایقای ونظیفه ایلدکلرینه قلباً قناعت  
کتوردکلرندن جمعیتلرینه نهایت ویرمشلردر . بوجهتله الیوم قاربونارینک فقط  
برنامی قالمشدر .

ابو الضیا

